

Na osnovu Odluke Senata Univerziteta u Tuzli broj: 03-6342-1-8/22 od 18.11.2022. godine, raspisuje se

INTERNI KONKURS za izbor Voditelja Media centra Univerziteta u Tuzli

I

Raspisuje se Interni konkurs za izbor **Voditelja Media centra** Univerziteta u Tuzli.

II

Za Voditelja Media centra Univerziteta u Tuzli može biti izabran kandidat koji ispunjava slijedeće **opće uslove**:

- a) da je državljanin BiH,
- b) da je zdravstveno sposoban za obavljanje poslova Voditelja Centra,
- c) da pravosnažnom odlukom suda nije osuđen za krivično djelo ili privredni prijestup, što predstavlja smetnju za imenovanje na dužnost Voditelja Centra,
- d) da mu pravosnažnom odlukom suda nije izrečena mjera zabrane obavljanja poslova/dužnosti Voditelja Centra,
- e) da se na njega ne odnosi član IX. 1., Ustava BiH.

Pored općih uslova, kandidat treba da ispunjava i slijedeće **posebne uslove**:

- a) da je izabran u naučno-nastavno/umjetničko-nastavno zvanje (redovnog profesora, vanrednog profesora ili docenta) na Univerzitetu u Tuzli,
- b) da je u radnom odnosu na Univerzitetu u Tuzli sa punim radnim vremenom,
- c) da aktivno govori najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Voditelj Centra za osiguranje kvaliteta i internu evaluaciju imanuje se na mandatni period od 4 (četiri) godine.

Kandidat koji u toku mandata stiče uslove za penziju ne može biti izabran za Voditelja Centra.

III

Uz **prijavu** na Konkurs kandidat je dužan priložiti, u **originalu ili ovjerenj fotografiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH ne starije od 6 mjeseci,
3. izjavu da pravosnažnom odlukom suda nije osuđen za krivično djelo ili privredni prijestup, što predstavlja smetnju za imenovanje na dužnost Voditelja Centra, ovjerenu kod nadležnog općinskog organa ili notara, u skladu sa tačkom c) općih uslova,
4. izjavu da mu pravosnažnom odlukom suda nije izrečena mjera zabrane obavljanja poslova/dužnosti Voditelja Centra, ovjerenu kod nadležnog općinskog organa ili notara, u skladu sa tačkom d) općih uslova,
5. izjavu da se na njega ne odnosi član IX. 1., Ustava BiH, ovjerenu kod nadležnog općinskog organa ili notara, u skladu sa tačkom e) općih uslova,
6. odluku o izboru u naučno-nastavno/umjetničko-nastavno zvanje (redovnog profesora, vanrednog profesora ili docenta) na Univerzitetu u Tuzli, u skladu sa tačkom a) posebnih uslova,
7. uvjerenje da je u radnom odnosu na Univerzitetu u Tuzli sa punim radnim vremenom, u skladu sa tačkom b) posebnih uslova,
8. dokaz o aktivnom govoru najmanje jednog svjetskog jezika, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),

9. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog organa ili notara, u skladu sa tačkom d) posebnih uslova,
10. izjavu da nema privatni finansijski interes na Univerzitetu u Tuzli, ovjerenu kod nadležnog organa ili notara, u skladu sa tačkom e) posebnih uslova.

Dokaz o ispunjavanju općeg uslova iz tačke b) općih uslova (ljekarsko uvjerenje o zdravstvenoj sposobnosti za obavljanje poslova Voditelja Centra) ne starije od 6 (šest) mjeseci, dužan je naknadno dostaviti samo kandidat koji bude izabran na navedenu funkciju, a prije zaključivanja aneksa ugovora o radu.

IV

Kandidat za Voditelja Centra za osiguranje kvaliteta i internu evaluaciju dužan je, uz prijavu na Konkurs dostaviti i **Program rada i razvoja Centra za mandatni period**, u pisanoj i elektronskoj verziji (CD).

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa na WEB stranici i Oglasnim pločama Univerziteta u Tuzli.

VI

Nepotpune i neblagovremene prijave neće se uzeti u razmatranje.

VII

Informacije o djelokrugu rada Voditelja Centra za osiguranje kvaliteta i internu evaluaciju dostupne su na WEB stranici Univerziteta u Tuzli www.unitz.ba (akti/dokumenti-Statut; Pravilnik o unutrašnjoj organizaciji i sistematizaciji).

VIII

Prijava na Konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte na adresu: UNIVERZITET U TUZLI, Ul. Dr. Tihomila Markovića broj 1, 75000 Tuzla - Konkursna komisija - uz naznaku „Prijava na Interni konkurs za izbor Voditelja Media centra Univerziteta u Tuzli – NE OTVARATI!“.